

# Pol da Timoti do Papia 1

## Mandagıt

*But pıso gen*

Timoti unun Yesu yolyol amın bulagı kında. Unun Lista kokup pap Galesia Provinskon amın kında. Menı unun Juda mınat kında, anakwan datni unun Grik amın kında. Pol da Timoti abıdanban kısı agek Pinkop gen yan tenjenok do pi agımal (Yabekbi kilapmı 16–20 unudon koki). Timoti Epe-sas kokup papgwan panmuwukbi egıpgwit dakon kıla amın daganakwan Pol da papia on mandan imgut.

Papia on da mibiltok yosok unun yan: Amın dıwarı da mınat amıno dakon nandan gadatni panupbal ani yan do Timoti kan kimotjak do iyıgit. Unun amın dakon nandak nandakni nwanwari tawit unun yan: On miktım dakon yo morap unun tagı dima, do mınat amıno egıp egıp abıdok do nandan unun jap dıwarı dima nok do gen teban yopgwit, ae mınat yo kısı dima pani do yansop an yomgwit.

Gen madepsi kında gat mandagıt. Pinkop gawak imım silıp unun kıla tagısı ani, ae panmuwukbikon pi tagısı ani do mandagıt. Ae nıanen amın da panmuwukbi dakon kıla amını egıpni ae pi amını egıpni unun do mandagıt.

Mıbı do Pol da Timoti Yesu Kristo dakon pi amın tagısı egıpjak, anek Yesu yolyol amın kalon kalon do ni anpak tagısı ban anyomjak unun do mandagıt.

*Timoti iyi gat ae paŋmuwukbi gat kisi dakon anpak kilani tagisi asak  
(Kilapmi 1-6)*

<sup>1</sup> Nak Pol, Yesu Kristo dakon yabekbi kinda da on papia mandisat. Piŋkopnin yokwikon baŋ timit timit aminin gat ae Yesu Kristo uŋun nandan teban taŋek jomjom aŋek ekwamaŋ uŋun bamot da nak yabekbi pi abeŋ dosi nayigimal. <sup>2</sup> Timoti, gak nandan gadat asal do nak da gandabo gak monjinosi asal. On papia gak do mandan gamisat. Piŋkop Dat ae Amin Taginin Yesu Kristo dakon bupmini gat ae but yawotni gat gagon tosak.

*Top gen morap do kaŋ kimotneŋ*

<sup>3</sup> Nak Masadonia miktimon kiŋek gen gayigim uŋudeŋ aeno sigin gayisat. Gak Epesas kokupmon sigin egek miŋat aminyo Piŋkop gen yoyiŋ dekaŋ amin di yoyiŋdet ani bisapmon top gen dima yoni do gen tebaisi yoyiki. <sup>4</sup> Ae babikni dakon binap gen gat ae babikni dakon mibili gat do dima yoni do tebaisi yoyiki. Gen uŋudeŋ da gen emat paŋalon asak. Uŋun da Piŋkop dakon pi dima jonikdak. Nandan gadat aŋek Piŋkop dakon pi aripmi tagi aneŋ. <sup>5</sup> Amin da notni do but dasi galak taŋ yomiŋek egipni, mibili yaŋ do gen teban on yipmandat. Amin nandan gadat bamisi aŋek, ae burikon gwaljigi mini egek, ae butnikon da yokwi tagiyo dakon kokwin tagisi asak kaŋ, amin do but dasi galak taŋ yomyom anpak tagisi tosak. <sup>6</sup> Amin diwari da uŋun anpak yopmaŋek gen isali baŋgin yaŋek ekwaŋ. <sup>7</sup> Uŋun amin Piŋkop dakon gen teban yoyiŋdet ak do tagisi nandan. Aŋek nin da bamisi

yoman yan nandan, mani gen yon dakon mibili dima nandan pisanjek yon.

<sup>8</sup> Nin nandaman, gen teban Pinjkop da ni pi nan asak do nandagit unun asak kan, gen teban unun yo tagisi kinda. <sup>9</sup> Gen teban unun amin kilegi do dima toso. Unun gen teban pabin yopmanjan amin, ae kwen wigik an amin unun do toso. Unun Pinjkop manji iminek yokwi an amin, ae Pinjkop gawak im do dima galak tanej Pinjkop dakon yo do yanba yokwi tok an amin do toso. Gen teban unun amin mej datni gat ae amin diwari gat dapba kimokgon amin do toso. <sup>10</sup> Gen teban unun amin yumabi mibili mibili an, ae wili da wili notni gat wam ton amin do toso, ae amin kabo panxisibin panxi oman monji egipni do monen pan amin gat, ae top yon amin gat, ae topmon da geni panjeban an amin gat unuden amin do toso, ae Yesu yolyol dakon gen madep madep morap ton unun yapmanek anpak yokwi diwari an amin unun kisi do toso. <sup>11</sup> Gen bamisi unun Pinjkop da Gen Bin Tagisi yan tenjenok aben do namgut unun. Pinjkop unun tilim madepnikon egisak. Unun anjisiin kimotnensi.

*Pinjkop dakon bupmini do Pol da ya yan iyigit*

<sup>12</sup> Amin Taginin Yesu Kristo da tapmin naminek nak pini unun aripmi tagi aben yan nandanej nak manjigit, do ya yan iyisat. <sup>13</sup> Asi, nak kalip uwalon da jigilak an iminek manji gen yan imgun. Mani Pinjkop da bupmi nandan namgut, nido yo niban agim unun dima nandanej Monji do dima nandan

gadan ɨngum. <sup>14</sup> Amin Taginin da nak do nandan yawot wagil madepsi an namgut. Anek Yesu Kristokon sanbegim do anek nandan gadat anpak gat ae amin do but dasi galak tan yomyom anpak aben do nak antagap agit.

<sup>15</sup> Yesu Kristo yokwi pakpak amin timit do miktimon pigit. Gen unun bamisi amin kisi da nandanek nandan gadat tagi ani. Nak naga yokwi pakpak dakon mibiltok amin egipgum. <sup>16</sup> Mibili yan do anek nak do bupmi nandagit. Minat aminyo nagon yo agit unun kanek yansi nandani: Yesu Kristo da yokwi pakpak amin do nandan yawok yominek but tobil ani do bikbik madepsi yomisak. Yan nandanek nandan gadan iminek egip egip teban abidoni, mibili yan do yokwi pakpak dakon mibiltok amin nak do bupmi nandagit. <sup>17</sup> Pin kop unun Kila Amin Madep toktok teban egisak. Unun aripmi dima kimori, ae amin da aripmi dima kokogi. Unun kalongin Pin kop, do dagok dagogi mini man madepni gat ae tilim gulgwani gat tan anan kikdisak. Unun asi.

*Timoti, gak anpak yokwi pabin yop do pi tebaisi abi*

<sup>18</sup> Timoti, monjino, gak do kombi gen yawit, nak unun do nandanek gak da yo abi unun do gayikdisat. Kombi gen unun da gak anteban anakwan anpak yokwi pabin yop do emat abi.

<sup>19</sup> Emat unudon Yesu nandan gadan imin kimagek butgokon da yokwi tagiyo dakon kokwin tagisi anek egipbi. Amin diwari yokwi aman yan nandan mani yan kwok aba Pin kop da pan kilek asak

do dima nandaŋ. Do nandaŋ gadatni tap wakga da yaŋ tipmon tidaneŋ tuwil kwan. <sup>20</sup> Imenius gat Aleksanda gat da yaŋ abal nak da Sunduk da kisiron yopgum. Uŋun nandak nandak kilegi timigeŋ buŋon Piŋkop do gen yokwi dima yonjil do aneŋ uŋun agim.

## 2

*Piŋkop da amin morap kisi paŋpulugosak do bisit iyineŋ*

<sup>1</sup> Yo madepsi abi do nandisat uŋun yaŋ: gak da miŋat amin morap yoyiŋbi bisit mibili mibili aneŋ Piŋkop ya yaŋ iyineŋ amin morap kisi paŋpulugosak do bisit iyini. <sup>2</sup> Kili amin madep gat ae kila amin morap diwari kisi paŋpulugosak do bisit ani. Yaŋ aneŋ kaŋdo tayanŋok egek butnin yawori tanakwa Piŋkop dakon galaktok morap yolek telagisi egipneŋ. <sup>3</sup> Bisit yaŋ aneŋ kaŋ uŋun tagisi. Piŋkop Yokwikon Baŋ Timiŋ Timiŋ Aminin uŋun da yaŋ aneŋ do tagisi nandisak. <sup>4</sup> Uŋun amin morap kisi yokwikon baŋ timikban gen bami nandaba piŋsoni do nandisak. <sup>5</sup> Nin nandamaŋ, Piŋkop kaloniŋ daŋin egisak, ae Piŋkop ae miŋat aminyo dakon binap amin kaloniŋ daŋin egisak, uŋun amin Yesu Kristo. <sup>6</sup> Kristo miŋat amin morap yumaŋ nok do egip egipni parekgit. Yaŋ anakwan Piŋkop da bisap yipguronsi miŋat amin morap yokwikon baŋ timiŋ do si nandisak yaŋsi noligit. <sup>7</sup> Piŋkop da nak iyi dakon geni yaŋ tenŋenok abeŋ do yabekbi pi namgut. Top dima yosot, bamisi yosot. Amin

**1:20:** 1Ko 5.5; 2Ti 4.14-15

**2:6:** Ro 3.29-30; Gal 1.4

**2:7:** Ya

9.15; Gal 2.7-8; 2Ti 1.11

Nwakɔwari Kabikon kin yoyɔndet abo Kristo nandan gadan imɔnek gen bami nandani do anek pi unun namgut.

<sup>8</sup> Nak wili kokupmi kokupmi ekwan unun telagi kisitni panenagek bisit ani do nandisat. Butjap ae gen emari mini egek bisit ani do nandisat.

*Pi tagisi da miɔat dakon tilimni asak*

<sup>9</sup> Ae gen kinda unun yan: Miɔat imal pak do kan, giptimni tagi witjini unun da aripmon gin pani, wili da pɔndak galaktok ani yanon da imal yuman nogi wukwi ban dima pani. Busun dangwani dima panɔlim ani, ae gol kindirɔyo ban giptimji dima panɔlim ani. <sup>10</sup> PinƔkop yolek gawak imisat yan yon miɔat pi tagisi mibili mibili ani. Unun da tilimni bamisi asak.

<sup>11</sup> Miɔat iyi do nandaba pinakwa gen dima yanek tayangok egek PinƔkop dakon gen timit do pi ani.

<sup>12</sup> Nak miɔat yopbo wili dakon mibiltok amin egek PinƔkop dakon gen do yoyɔndet ani do dimasi nandisat. Mirak gin yopmanek egipni. <sup>13</sup> Nido, PinƔkop Adam nan mibiltok wasanek buɔon Ip wasagit. <sup>14</sup> Ae Adam top gen do dima nandan gadagit. Miɔat da top gen nandan gadanek yokwi agit. <sup>15</sup> Mani miɔat unun monji tagi panalani. Yan anek nandan gadat anek amin do but dasi galak tan yomɔnek ae telagi egek anpak tagisi anek egipni. Unun anpak morap yipman deri mini ani kan, PinƔkop da yokwikon ban timitdisak.

### 3

#### *Pañmuwukbi dakon kila amin anpak tagisi ban ani*

<sup>1</sup> Gen on bamisi: amin kinda pañmuwukbi dakon kila amin kinda egipdosi nandisak kañ, unun pi tagisi kinda nañ abidok do nandisak. <sup>2</sup> Kila amin unun anpak kilegisi gin anakwan amin da gulusunni kinda dima koni, ae miñat kalonji dakon eni egipjak, ae iyi dakon kila tagisi asak, ae nandan kokwin tagisi anek anpak tagisi banjin asak, ae amin yutnikon kwa kilani tagi asak, ae yoyindet agakni unun tagisi. <sup>3</sup> Unun pakbi teban nanek but upbal dima asak, ae emat pidokyo dima asak, yawori egisak, ae gen emat dima asak, ae monerj timit do tek kindap dima asak. <sup>4</sup> Unun iyi dakon gwakni kila tagisi anakwan monji gwayoni da gawat gawaron da geni tagisi guramikgan. <sup>5</sup> Amin kinda iyi dakon gwakni kila tagi dima asak kañ, Pinkop dakon pañmuwukbi kabi dakon kila aripmi dima asak. <sup>6</sup> Amin kinda Yesukon kaluk sanbesak unun da kila amin pi dima asak. Unun iyi do nak amin madep kinda yan nandanek kwen wigik aban Pinkop da Sunduk gen pikon yipgut, yan gin gen pikon di yipban. <sup>7</sup> Amin unun pañmuwukbikon dima sanbewit amin da kanba amin tagisi asak unuden da kila amin man tagi abidosak. Kanba yokwi asak kañ, man yokwi panek Sunduk da paron yokwaldisak.

#### *Pañmuwukbi dakon pi amin anpak tagisi ban yolek ani*

<sup>8</sup> Paŋmuwukbi dakon pi amin uŋunyo kisi amin da kaŋba amin tagisi asak, ae gen bami gin yosok, ae pakbi teban nanek but upbal dima asak, ae amin dakon yo morapni timit do but kindap dima pasak. <sup>9</sup> Uŋun butnogwan yo mini yan nandanek nandan gadat aman dakon gen bami morap Piŋkop da noligit uŋun tebaisi timikdak. <sup>10</sup> Mibiltok pini do paŋkilik pindatni. Pindakba pi tagi ani kaŋ, yopba paŋmuwukbi dakon pi amin tagi egipni.

<sup>11</sup> Miŋatniyo kisi amin da kaŋba miŋat tagisi asak, ae amin do yanba yokwi tok dima asak. Uŋun iyi dakon kila tagisi anek yo morap asak uŋun kilegisi gin asak.

<sup>12</sup> Paŋmuwukbi dakon pi amin uŋun miŋat kalonji dakon eni egipjak, ae iyi dakon gwakni kila tagisi asak. <sup>13</sup> Pi amin uŋun pi tagisi asak uŋun amin diwari da nandaba wukwan imdan, ae Yesu Kristo nandan gadan imgwit uŋun do pasoli mini yan tenjenok akdan.

*Piŋkop da gen bami nomansi noligit*

<sup>14</sup> Nak tepmisi abiŋ dandak do nandisat, mani papiakon gen on ji do mandaken kaŋ tagisi yan nandisat. <sup>15</sup> Tepmi dima apben kaŋ, ji gen on kaŋek Piŋkop dakon amin kabi nin anpak nian ban anek egipneŋ uŋun nandani. Piŋkop dakon amin kabi nin Piŋkop egip egipmi ton dakon paŋmuwukbi kabini ekwaman. Paŋmuwukbi uŋun gen bami jonikban tebai tosak dakon gwak teban egisak. <sup>16</sup> Nin pakyanji nandaman, nandan gadatnin dakon mibili uŋun yo madepsi kinda. Uŋun kalip pasili tagit mani Piŋkop da anroman agit.



Gen bami noligit unun yan; Unun amin giptimsi paban amin da kawit, ae Telagi Wup da unun amin kilegisi yan noligit, ae anelo da kawit, ae amin da miktimi miktimi kin geni yan tentenok awit, ae miktim amin da nandan gadan imgwit, ae unun Pin kop da abidan Kwen Kokup awigigit.

## 4

*Top gen da minjat amin dakon nandak nandakni panjupbal akdisak*

<sup>1</sup> Telagi Wup da yansi yosok, bisap kinda don apdisak, unun bisapmon amin diwari nandan gadatni wital kikan, nido unun wup yokwi amin panjewan unun dakon geni guramidan, ae kon dakon geni yoldan. <sup>2</sup> Jamba but amin da top gen ban minjat aminyo yoyindetan. Unun amin anpak yokwi anek mayagi dimasi nandan. <sup>3</sup> Unun amin da minjat aminyo minjat eyo dima ani, ae jap diwari dima noni do gen teban yopman yomdan. Mani Pin kop nandan gadan iminek geni bami nandan amin da unun jap morap timigek ya yan iyinek tagi noni do wasagit. <sup>4</sup> Yo morap Pin kop da wasagit unun tagisi gin, do Pin kop do ya yan iyinek timitnekan, pindatno yokwi dima ani. <sup>5</sup> Pin kop dakon gen gat ae bisitnin gat da unun jap morap panjelak asak.

*Timoti unun Kristo dakon oman amin tagisi egipjak*

<sup>6</sup> Gak gen on Yesu yolyol amin notgoni do yobikan, gak Yesu Kristo dakon oman amin tagisi

egipdisal. Ae gen bami nandan gadaman ae nandak nandak tagisi timigek yolgaman unun da gak tapmim madepsi gamdisak. <sup>7</sup> Mani babak dakon morap gen Pinjkopmon da dima noman tawit, do unun gat ae gen morap amin da isal yon unun gat manji yobi. Anek Pinjkop dakon anpak tagisi yolek egip do tagap tok madepsi abi. <sup>8</sup> Giptim antagap ak aman unun da panpulugok madep dima asak, mani wupnin antagap aman unun da panpulugok madepsi kindasak, nido abisok ekwaman ae don egip egip teban abidokdaman unun kisi do panpulugok akdisak. <sup>9</sup> Gen unun bamisi amin kisi da nandanek nandan gadat tagi ani. <sup>10</sup> Nin pi madepsi aman nido Pinjkop egip egipmi ton da nin panpulugokdisak yan nandan teban tanek jomjom anek ekwaman. Pinjkop unun amin kisi yokwikon timit timit amini, ae nandan gadan iman amin unun banji timitdisak.

<sup>11</sup> Gak gen on minat aminyo yoyin degek gura mitni dosi yoyiki. <sup>12</sup> Yum pindagaki amin da gak monji bilagi yan gandanek dima nandaba pinban gamni. Anpak tagisi anaki nandan gadat amin da anpakgo ban pindagek yan gin ani. Gen tagisi ban yoki, ae kilegisi egipbi, ae amin do but dasi galak tan yobi, ae nandan gadat bamisi abi, ae Pinjkop da dabilon gwaljigi minisi egipbi. <sup>13</sup> Egi wigi si apben bisapmon gak pi madepsi anek Pinjkop gen minat aminyo morapmi muwutnikon manjin yobi, ae mibili yan tentenan yobi, ae Pinjkop dakon anpak do yoyin dekgi. <sup>14</sup> Panmuwukbi dakon kila amin da kisitni kwengokon witjinakwa amin kindasak.

da gak do kombi gen yagit bisapmon Telagi Wup da but galak do tapmim gamgut unun yipbi dima yawotjak. <sup>15</sup> Bisapmi bisapmi pi morapgo do kila tagisi abi. Pi madepsi anaki minat amin morap da pi agakgo si madep tosok yan koni. <sup>16</sup> Gaga dakon anpak ae yoyindet agakgo do kila tagisi abi. Si teban tanek sigin abi kan, Pin kop da gaga gat ae gengo nandan amin gat kisi yokwikon ban timitdisak.

## 5

*Timoti minat aminyo naga dakon yawi diwat yansi pindatjak*

<sup>1</sup> Gak amin pelan gen tebai dima yoyiki. Datgo gen yaworikon da yoyin panmilip asal, yan gin gen yaworikon da yoyin panmilip abi. Ae gaga dakon padik padikgo do anpak nian asal, monji bulagi do yan gin abi. <sup>2</sup> Ae men go do anpak nian an yomisal, minat pelan do yan gin abi. Ae samingoni do anpak yokwi dima an yomisal, minatjok bulagi do yan gin anpak yokwi dima anyobi.

*Namin da sakwabat kilani asak?*

<sup>3</sup> Sakwabat morap panpulugokni minisi ekwan unun ban panpulugoni.

<sup>4</sup> Mani sakwabat unun monjini di ton bo ae uwani di ton kan, panpuluganbi Pin kop da dabilon anpak madepsi kinda unun nandan pisoni. Unun meni kilani tagisi anek menj datyo da kalip pi madep awit unun dakon gomani tagi sopni. Pin kop da anpak unuden do tagisi nandisak.

<sup>5</sup> Minat kinda sakwabat egek panpulugokni minisi egisak kan, unun minat Pin kop nandan gadan imin kimagek Pin kop da yo tagisi an imjak

do nandanek jomjom asak. Anek gildari ae kalbi Pin kop da an pulugosak do bisit asak. <sup>6</sup> Mani sakwabat kind a unun giptim dakon galaktok yoldak kan, minat unun amin kimakbi yombem. <sup>7</sup> Do minat unun yoyinbi anpak tagisi ban gin anakwa amin da yan ba yokwi tok dima an yomni. <sup>8</sup> Amin kind a iyi dakon yawi di watni dima pan pulugosak kan, unun amin tagi dima. Mani amin kind a iyi dakon gwakni kisi kilani tagi dima asak kan, unun amin nandan gadatni kili yipman de ggit, do amin yokwisi. Pin kop dima nandan iman amin yapmanek unun wagil yokwisi.

<sup>9</sup> Sakwabat dakon man silipmon, minat oden dakon man ban gin mandaki: Minat bilak 60 yapman dak, ae eni kaloni dakon minatni egipgut unun dakon man ban gin mandaki. <sup>10</sup> Ae pi tagisi mibili mibili agit dakon man bini tan yoman unun dakon man ban gin mandaki. Nak pi tagisi oden do yosot: Gwakni kila tagisi agit, ae amin kokup n wakan warikon da apba kilani anek pan pulugagit, ae pan muwukbi dakon kandap pakbi ban sugagit, ae jigikon ekwan amin pan pulugagit, ae pi tagisi diwari agit. Gak minat unuden dakon man ban gin mandaki.

<sup>11</sup> Mani minatjok sakwabat dakon man dima mandaki. Nido giptimni dakon galaktok yolek burikon da minat eyo kaluk aeni ak do nandan bisapmon Kristo manji iman. <sup>12</sup> Anek yan teban tok awit unun yapman gan, do gulusunni tan yomisak. <sup>13</sup> Ae unun gin dima, kuraktok anpak timigek yut diwarikon agi agi an. Ae kuraktok anpak gin dima, amin diwari da yo an unun dakon

geni nandak do galagi nandan. Anek gen morapmi dima yogogi yon. <sup>14</sup> Do miñatjok sakwabat egipni unun amin panek monji panalanek yutni kila ani do nandisat. Yan ani kan, uwal da anpakni tagisi unun kanek gen yokwi aripmi dima yan imni. <sup>15</sup> Disi nandan, miñatjok sakwabat diwarì kosit kilegi kili yipman degwit da Sunduk yolgan.

<sup>16</sup> Kristo nandan gadan imisak miñat kinda da yutgwan miñat diwarì sakwabat ekwan kan, miñat unun da iyi kilani asak. Yan anakwan panmuwukbi miñat aminyo diwarì da kilani ak do jigì dima pani, ae sakwabat morap panpulugokni minisi ekwan unun ban kilani tagi ani.

*Kila amin pi tagi an unun kilani tagisi ani*

<sup>17</sup> Ji kila amin pi tagisi an amin man madep yominek tagisi yuman noni. Mibiltoksi yomni amin unun: Pin kop gen yan tentenok an amin gat, ae Pin kop gen yoyindet an amin. <sup>18</sup> Yansi ani, nido Pin kop gen papia da yan yosok.

“Ji bulmakau wit gip golek do baman misinikgan bisapmon jap noni do gen kagani dima sopni.”

Ae kinda yan yosok:

“Pi amin yuman nogini aripmi tagi timitjak.”

<sup>19</sup> Amin kinda da kila amin kinda do sun kinda ak yan yosak kan, geni do mirak dima yopbi. Mani bamori bo kapbi da gen unuden yanba kan, geni tagi nandaki. <sup>20</sup> Ae kila amin kinda yokwi asak kan, panmuwukbi morap da dabilon anmilip abi, anaki diwarì pasol pasol timitni.

*Timoti iyi dakon anpak kan kimotjak*

<sup>21</sup> Piŋkop ae Yesu Kristo ae Piŋkop dakon anelo kabı da dabilon noman yaŋsi gayısat, gen morap on gayısat uŋun yol kimagek pi abi. Anek amin kisikon anpak tilak kalonikon da pi abi.

<sup>22</sup> Piŋkop dakon pi asak do gak amin kinda da kwenon kisitgo tepmisi wutjik do dima nandaki. Amin diwari dakon yokwi da gagon di teŋanbam. Gak gaga do kila tagisi anek Piŋkop da dabilon gwaljigi minisi egıpi.

<sup>23</sup> Gak pakbisigin dima noki. Butgo anpulugosak ae sot uŋun toktogi noman taŋ gamısak uŋun mudosak do wain disok kisi noki.

<sup>24</sup> Amin diwari dakon yokwini uŋun nomansi toŋ. Ae amin da nandan, Piŋkop da uŋun amin gen pikon yopmaŋek kobogi yokwi yomdisak. Mani amin diwari yokwini pasili toŋ, ae don noman tokdan. <sup>25</sup> Uŋuderŋ gin, amin diwari anpakni tagisi noman gin toŋ. Mani, amin diwari anpakni tagisi uŋun noman dima toŋ, uŋun don noman tokdan.

## 6

*Oman monji anpak tagisi banjin ani*

<sup>1</sup> Yesu yolyol amin morap amin diwari dakon oman amini ekwan, madepni man madep yomınek piŋbini egıpi. Yan aba amin da Piŋkop dakon man ae paŋmuwukbi nin dakon nandan gadat do yanba yokwi tok dima ani. <sup>2</sup> Ae oman amin kinda dakon madepni uŋun nandan gadat amin kinda kan, oman amin uŋun “notno gin do geni tagi abin yipben” yan di nandaban. Dima,

uñun yañsi nandisak, “Amin uñun Yesu yolyol amin kinda, do pini an iminek but dasi galak tañ ibeñ” yañ nandisak. Anjakwan nandak nandak uñuden da antagap aban pi tagisi akdisak.

*Money dakon galagi uñun yokwi dakon mibili*

Gak bisapmi bisapmi miñat aminyo anpak kilegi ban ani do yoyiñ dekgi, anek anpak gayigim uñun ani dosi yoyiki. <sup>3</sup> Amin Taginin Yesu Kristo dakon gen da Pinjop dakon anpak do niyiñ dekdak. Amin kinda gen uñun yipmanek miñat aminyo gen ñwakñwari Yesu dakon geni kilegi yombem kinda nanñ dima yoyiñdetjak kañ, <sup>4</sup> yañ nandanen, uñun amin kwen wigik asak, ae nandak nandakni minisi. Uñun gen emat anek gen dakon mibili do notni pabiñ yop do pi asak. Yañ anek yo yañ pañalon asak: tagisi ekwan amin do nandaba yokwi tok, ae emat, ae yañba yokwi tok, ae amin diwari do but giñman nandanek nandaba yokwi tok. <sup>5</sup> Ae bisapmi bisapmi gen emat anekwan. Amin anpak uñuden an uñun nandak nandakni wagilsi upbal tawit, ae gen bamisok kinda dima nandan. Uñun Pinjop dakon anpak do yo morap timit timit kosit kinda yañ nandan.

<sup>6</sup> Mani, amin kinda Pinjop yolek yo kabini do nandaban aripmi tañ namañ yañ nandisak kañ, uñun amin yo bamisi timikdak. <sup>7</sup> Nin nandamañ, meñ da pañalanban miktimon altagimañ bisapmon yo kinda dima abidanek apgumañ. Ae miktim yipman detneñ bisapmon yo di dima timigek kikdamañ. <sup>8</sup> Yañdo, jap imalyonin di tañ nimni

---

**6:3:** Gal 1.6-9    **6:5:** 2Ti 3.8; 4.4; Tit 1.14    **6:6:** Pil 4.11-12; 1Ti 4.8; Ibr 13.5    **6:7:** Jop 1.21

kan, “unjun aripninin” yan yonen. <sup>9</sup> Mani, monen morapmi timit do nandan amin, kilap da paron yokwalgan da arip, panjkewal da alatan yominek timitdisak. Unjun nandan kokwini tagi dima amin da but sulugik morapmi anek unjun da obisi panjntok akdisak. Yan anek wagilsi tasik tan mudokdan. <sup>10</sup> Monen do galagi nandak nandak unjun yokwi morap dakon mibili. Amin diwari monen do galak tawit, unjun da ilikban nandan gadatni yipman dekgwit anek jiggi morapmi panjek bupmisi nandan.

*Gak tebaisi kinjek egip egip teban abidoki*

<sup>11</sup> Mani, gak Pinjkop dakon amin egisal, do anpak yokwi unjuden morap yopman degek pasal kiki. Pi tebai anek yo oden ban timikgi: anpak kilegi, ae Pinjkop dakon anpak, ae nandan gadat, ae amin do but dasi galak tan yomyom anpak, ae tebaisi agek jiggi imet imet anpak, ae amin do yo yawori an yomyom anpak. <sup>12</sup> Kristo nandan gadan imisak amin unjun napbi gwapbokon kisak. Do gak napbi gwapbo tagisi unjudon tebaisi kinjek egip egip teban abidoki. Tebai agek nandan gadatgo amin morapmi da dabilon yan tenjenagil bisapmon, Pinjkop da egip egip abidoki do kili yan gamgut. <sup>13</sup> Pinjkop yo morap kisi do egip egip yomisak unjun da dabilon, ae Yesu Kristo Pontias Pailat da inamon tebaisi agek gen bami yagit unjun da dabilon nak tebaisi yan gayisat, <sup>14</sup> gak gen abidagil unjun guramik kimagek amin da yanba yokwi tok an gamni da aripmon yo kinda dima

---

**6:10:** Ep 5.5    **6:11:** 2Ti 2.22    **6:12:** 1Ko 9.25-26; 2Ti 4.7  
**6:13:** Jn 18.36-37



abi. Tebaisi guramik kimagaki wigi Amin Taginin Yesu Kristo da noman altosak bisapmon wugisak. <sup>15</sup> Uñun Piñkop da bisap yipgut uñudon altokdisak. Piñkop uñun anksin kimotneñsi. Uñun kalon dagin yo morap kila asak. Uñun kila amin madep morap dakon Kila Amin Madepni, ae amin tagi morap dakon Amin Tagini. <sup>16</sup> Uñun kalon dagin dima kimokdok, uñun tenñeni madepmon egisak, ae nin uñun da kapmatjok aripmi dima kikigi. Amin kindi da dima kagit, ae kindi da dima kokogi. Man madepni ae tapmim madepni uñun bisap dagok dagogi mini tar imdisak teban. Uñun asi.

*Yoni morapmi amin Piñkop nandan gadan iminek miñat aminyo diwari pañpulugoni*

<sup>17</sup> Yoni morapmi amin on miktimon ekwan yoyinbi iyi dakon man dima pawigini. Ae yo morapni tepmi bisal kigi do nandan gadat dima ani. Uñun Piñkop dosi nandan gadan imni. Uñun Piñkop da nin da kisik kisik anen do yo tagisi morapmi nimisak. <sup>18</sup> Yoyinbi anpak tagisi morapmi anek yo do wadak wadak an amin do yo morapmi yomni. Yonin bami uñun amin do yo tagisi an yomyom anpak uñun yan nandani. <sup>19</sup> Yan ani kan, iyi don pañpulugoni dakon yoni morapmi pañmuwutdan, ae uñun yoni morapmi tebai tokdan. Anek egip egip bamisi abidokdan.

*Timoti pini do kila tagisi asak*

<sup>20</sup> Timoti, Piñkop da pi uñun gamgut uñun kila tagisi an kimokgi. Gen mibili mibili Piñkop dakon galaktok dima yolyoli yon amin, uñun amin gat

dima egipbi. Ae amin nandak nandaknin ton yan nandanek Pin kop dakon gen bami anupbal anek gen yon amin, unun da dubagikon egipbi. <sup>21</sup> Amin diwaru unuden nandak nandak yolek nandan gadatni kili yipman dekgwit.

Pin kop dakon nandan yawot jikon tosak do bisit asat.

**PIN<sup>K</sup>OP GEN**  
**The New Testament and Psalms in the Yopno Language**  
**of Papua New Guinea**  
**Nupela Testamen na Buk Song long tokples Yopno long**  
**Niugini**

copyright © 2010 Wycliffe Bible Translators, Inc.

Language: Yopno

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-01-09

---

PDF generated using Haiola and XeLaTeX on 22 Feb 2024 from source files dated 31 Aug 2023

b683ce50-d820-5bfc-8471-d8ee080be106